

উত্তরফাল্গুনୀ

গ্রন্থকারের অন্যান্য রচনা

কবিতা

তথ্য

অকেষ্ট্রা

ক্রন্দসী

প্রবন্ধ

স্বগত

উত্তରফাল্গୁନୀ

শ্রীসুধীন্দ্রনাথ দত্ত

প্রণীত



পরিচয় প্রেস

কলিকাতা

প্রথম সংস্করণ

১৩৪৭

পরিচয় প্রেস

৮ বি, দীনবন্ধু লেন, হইতে

শ্রীকুন্দভূষণ ভাট্টাধী কর্তৃক

মুদ্রিত ও প্রকাশিত

সুমন্ত্র মহলানবিশের

করকমলে-

বর্ণমূচী

আজি ধূলা বেড়ে বেড়ে, পুরাতন পুঁথি খুঁজে দেখি (মৌনব্রত)...	২৩
আধখানা চাঁদ রূপার কাঠির পরশে (জন্মান্তর) ...	৪৯
আমারে তুমি ভালোবাসো না ব'লে, (নিরুজ্জ্বল) ...	২৫
ওগো গরবিণী, সত্রে তোমার (প্রতিদান) ...	১৭
কিছুই হয় নি আজ । সে কেবল ছিলো নিরুদ্বেগ (অহৈতুকী) ...	২৮
কোন কালে সেই চকিত চোখের দেখা : (ডাক) ...	৫৬
চিৎকণ চিকুর তব হবে যবে তুমি ধবল, (বিলয়) ...	১৭
জাগরুক বীর্ঘের বিস্ময়ে (অনন্ততপ) ...	৩৩
‘তোমারে বোঝার বুদ্ধি আজও মোরে দেয় নি বিধাতা । (ব্যবধান) : ৪	
দিনের দহনশেষে সাকীসম সিত সুরা লয়ে (মাধবী পূর্ণিমা) ...	৫৫
মনেরে বুঝিয়ে বলি মৃত্যুমাত্র নিশ্চিত ভুবনে : (দ্বন্দ্ব) ...	৫২
মরণ, তুমি তো আসিবেই এক দিন, (মহানিশা) ...	৫০
মরণ, তোমার উদ্দাম তরী (মরণতরী) ...	২২
মিলননিবিড় রাত্রি পরিকীর্তি নিখিল ভুবনে ; (জাগরণ) ...	৫৩
মোদের সাক্ষাৎ হলো অশ্লেষার সাক্ষসী বেলায়, (দুঃসময়) ...	৪১
রূপসী ব'লে যায় না তারে ডাকা ; (সংশয়) ...	১১
সত্য কি বাসো ভালো ? (প্রশ্ন) ...	৩২
সমাপ্ত সংরক্ত রাত্রি ।—শ্রান্ত দোলপূর্ণিমার শশী, (প্রতিপদ) ...	৬০
সহসা হেমন্তসন্ধ্যা রূপজীবী জরতীর মতো (শরীরী) ...	২
শুদ্ধিপত্র ...	৬৩

শৰ্ব্বৰী

সহসা হেমন্তসন্ধ্যা রূপজীবী জরতীর মতো
অব্যর্থ ক্ষয়ের ব্যাপ্তি ঢেকেছিলো অত্যন্ত রঞ্জে ।
বিরহের অবরোধে হয়েছিলো মিলন স্বগত ;
বাস্তববিবাগী আঁখি প্রেমেশ্বর মায়াবী অঞ্জে
আচম্বিতে সনির্বন্ধ, অচিরাৎ স্বপ্নজাগরক ।
ফলত নিশ্চিন্ত কণ্ঠে তাকে বলেছিলুম সে-দিন—
অত্যাণের অত্যাচারে পাকা পাতা ঝরে তো বরুক ;
পথলুপ্ত কেলিকুঞ্জে পড়ে যদি পড়ুক তুহিন ;
গুরু সরোজিনী ছেড়ে উড়ে যাক সপ্তসিন্ধুপারে
যাযাবর রাজহংস পুলকিত কুলায়ের খোঁজে ;
তবু কিছু হারাবে না । মরণের অমৃত বিকারে
স্মৃতির মিসরী বীজ মন্বন্তরে যথারীতি ম'জে
অপ্রমেয় পারিজাত কল্ললতাবিতানে ফোটাবে ।
কাল বৈনাশিক বটে, কিন্তু সেও স্বরূপে বিশ্বাসী ;
তাই তার গুহাচিত্রে যুগপ্রদীপপরম্পরা পাবে
নিবাত, নিষ্কম্প দীপ্তি । ক্ষেমধর সে-মহাসন্ন্যাসী
বৃত্তিবিবর্তিত শূন্তে চ'লে গেলে কন্ঠের প্রসাদে,
অনুপূর্ব তীর্থযাত্রী যুগে যুগে পুণ্য পীঠে জ'মে
ধূমাক্ত চিত্তচৈত্য ভ'রে নেবে বর্ণাঢ্য প্রবাদে ॥

উত্তরফাল্গুনী

অনেক শতাব্দী কাটে । প্রকীর্তিত সে-কন্দরে ক্রমে
বাছড় বানায় বাসা ; কালপেঁচা আনাচে কানাচে
ইহুরের ধ্যান করে ; কোণে কোণে অর্দ্ধভুক্ত শব
লুকাই হিসাবী শিবা ; ভূমিসাৎ বিগ্রহের কাছে
মহীলতা জোট বাঁধে ; মধ্যে মধ্যে তুষ্ট জরদগব
জুড়ায় অগ্নির জালা কটকিত দ্বারদেশে ব'সে ।
তাদের পুরীষে, ক্লেদে অতীতের সার্থক প্রতীক
চাপা পড়ে নিরন্তর ; নোনা লেগে চূর্ণলেপ থ'সে
হাসে অস্থিসার শিলা । সুখশ্রান্ত ধনী নাগরিক
কচিং সদলবলে আসে বনভোজনে সেখানে
পণ্যস্ত্রীর হাত ধ'রে ; আহাৰাস্তে রংমশাল জ্বলে
ভিত্তিগাত্রে চেয়ে থাকে, কলঙ্কিত কবন্ধ যেখানে
দলে বৈদেহীর উরু ; ছেঁড়া পাতা, ভাঙা টিন্ ফেলে
সায়ান্ধে শহ'রে ফেরে । প্রদোষের নির্বেদ বাড়ায়
বিক্ষিপ্ত অঙ্গার, ভস্ম, অতিক্রান্ত উৎসবের গ্লানি ।
তার পরে হাওয়া ওঠে, শুকতারা হঠাৎ হারায়,
দুঃস্বপ্নের বিপর্যয়ে নিশি জাগে শুধু অন্ধ হানি ॥

সংশয়

রূপসী ব'লে যায় না তারে ডাকা ;
কুরূপা তবু নয় সে, তাও জানি ;
কী মধু যেন আছে সে-মুখে মাথা ;
কী বরাভয়ে উদ্ধৃত সে-পাণি ॥

খেলে না ফণী দোতুল বেণীমূলে ;
চাঁচর চূলে ভ্রমর গুমরে না ;
অলকে তবু মলয় যবে বুলে,
বেড়েছে, ভাবি, বিধির কাছে দেনা ॥

ঝলে না কালো চপলা চল চোখে ;
অগাধে তার জলে না ধ্রুবতারা ;
সে-দিগ্ধি তবু রুচির কী আলোকে ;
কী বাণী রহে রহসে ভাষাহারা ॥

বাজে না বাঁশি বেহাগে তার স্বরে ;
গম্ভীরাতে মুরজ নাহি ফুটে ;
অসার কথা তথাপি সে-অধরে
বেদের চেয়ে গভীর হয়ে উঠে ॥

উত্তরকান্তনী

উদয়-রাঙা নির্ঝরিণীসনে
অতুলনীয় সে-ছল-ছাওয়া হাসি ;
বাসনা তবু, ইচ্ছা আগমনে
চকিত খুশি সে-মুখে পরকাশি ॥

কান্না তার মুক্তামালাসম
গহন রঙে নহে তো ধূপছায়া ;
তথাপি চাহি উপেক্ষাতে মম
ভাস্কর লোরে বজ্রাহত কায়া ॥

বক্ষে তার যুগল হেমগিরি
নির্ঝাসিত করে নি যুগালেরে ;
আঁচল তবু অনামা কলি পীড়ি
কী পরিমল সঞ্চে ফেরে ফেরে ॥

অতনুতরে করে নি রচনা সে
ত্রিবলি সিঁড়ি কুটিল কটিতটে ,
সতত তবু ক্ষামার আশে-পাশে
টঙ্কারিত কুসুমধনু রটে ॥

মেথলা-ঘেরা পৃথুল শ্রোণিভারে
 মরালসম নহে সে মদালসা ;
 তথাপি ঋজু দেহের আড়ে আড়ে
 ক্ষণেক্ষণে চমকে কী লালসা ॥

কদম-রেণু-বিছানো সরণী তো
 স্ননাভি হতে ছুটে নি অভিযানে
 কদলী-উরু-তোরণ-স্নশোভিত
 লঙ্কাম অমরাবতীপানে ;

বিজয়ী মন তথাপি সেথা থামি
 মোক্ষ মাগে পরম পরাজয়ে ।
 ভালো কি তবে বেসেছি তারে আমি ?
 বিজ্ঞ হিয়া শিহরে তাই ভয়ে ?

ব্যবধান

তোমাতে বোঝার বুদ্ধি আজও মোরে দেয় নি বিধাতা ।

তাই যবে চন্দ্রকাস্ত নয়নের কৃষ্ণপদ্ম পাতা

বিস্ফারি তাকাও তুমি মাঝে মাঝে মোর মুখপানে,

আমি আত্মহারা হই, সে-নিগূঢ় চাহনির মানে

ধরিতে পারি না ; শুধু অতুষ্ণ জাগে কত স্মৃতি :

কে কবে অমনই চেয়ে জাগতিক বঞ্চনার রীতি

আমাতে শিখালো যেন ; অমনই পল্লবঘন আঁখি

অমৃতের আশা দিয়ে পারিজাতকুঞ্জে মোরে ডাকি,

অনিকাম বিসংবাদে বারম্বার হলো পণ্ডশ্রম

পলাতক সঙ্কিলগ্নে ॥

একবারমাত্র ব্যতিক্রম

ঘটেছিলো সে-বিধির : হেমস্তের উর্দ্ধশ্বাস সাঁঝে

উদ্বাস্ত কালের পায়ে বিল্লীর মঞ্জীর যবে বাজে

আচ্ছন্ন মাঠের প্রান্তে, পরিব্যাপ্ত মৃত্যুর ছায়ায়

আগন্তুক তমস্বিনী আপনারে অচিরে হারায়,

নিঃস্তল দীপের মতো মানুষের নিরাশ্রয় মন

আছাড়ি-বিছাড়ি নেবে, কোনো এক সন্ধ্যায় এমন—

যুগান্তে, জন্মান্তে যেন—শাপভ্রষ্ট কে এক উর্ধ্বশী

ব্যবধান

অন্তর্দীপ্ত উদ্বাসম করপুটে পড়েছিলো খসি
অধরার মুক বার্তা! মর্ত্যরজে করিতে সঞ্চার ।
সে-দিনে মুহূর্তকাল অবচ্ছিন্ন শরীর আমার
অগ্নান, অনন্ত বীৰ্য্যে উঠেছিলো উচ্চকিত হয়ে ;
অনাথ ওঙ্কারনাদে জেগেছিলো প্রতন হৃদয়ে
চিরঞ্জীব পুরুষবা ॥

কিন্তু কোনো কথা কহে নি সে ;
বলে নি আপন নাম ; সনাতন অঙ্ককারে মিশে
নিঃসঙ্কোচ জৈব ধর্ম্মে করেছিলো মোরে সম্প্রদান
অনির্বাচনীয় তনু । ব্যাষ্টির প্রাকৃত ব্যবধান
তাই তীর্ণ হয়েছিলো নির্বাণের অথও শাস্তিতে ;
মোদের বিল্লিষ্ট আত্মা জাতিস্মর দেহের ইঙ্গিতে
প্রাক্তন প্রবৃত্তিপথ খুঁজে পেয়েছিলো অকস্মাৎ ;
অসম্ভূতির ঐক্যে ঘুচেছিলো বহর ব্যাঘাত ॥

সে-দিব্য মিলনে তুমি অধিকার দাও নি আমারে ।
তোমার বিশ্রুত বাক্য তাই মোর রুদ্ধ চিত্তদ্বারে
বৃথা করাঘাত হানি নিরন্তর ফিরে ফিরে যায় ।

উত্তরকান্তনী

তোমার সান্নিধ্যে তাই ব'সে থাকি আমি মোমপ্রায়
সৌজন্তের ঘটাটোপে আপনারে পাকে পাকে ঘিরে ;
যে-দিকে তাকাই দেখি নিরাশ্বাস বুদ্ধির তিমিরে
মোদের বিয়োগধর্মী চৈতন্তের চক্রচর কণা
স্বতন্ত্র জ্বালায় কক্ষে নিরুপায়ের করে আনাগোনা ।
তুমি চাও মোর মুখে, আমি তব মুখপানে চাই :
এই ভাবি বুঝিলাম, এই ভাবি কিছু বুঝি নাই ॥

প্রতিদান

ওগো গরবিনী, সত্রে তোমার
যত উপবাসী নিত্য জুটে,
আমি তো তাদের এক জন নই,
চাবো না ভিক্ষা চরণে লুটে ।
তা ব'লে ভেবো না ক্ষুধা নেই মম,
জানি না অভাব নিষ্ঠুরতম,
আশা-নিরাশার দোহুল দোলায়
নামি নি পাতালে, উঠি নি কূটে ।
প্রতিদানহীন দান নিতে তবু
আসি নি লোভীর সঙ্গে জুটে ॥

বহু বার বিধি বহু দিক হতে
বহু বঞ্চনা করেছে মোরে ।
থগে থগে তবু অলোকের স্নেহে
জীবন আমার গিয়েছে ভ'রে ।
কপট পাশায় পৃথিবীপতিরে
বনে পাঠায়েছে অবনত শিরে ;
দৈবরথরণে তারই মাহাত্ম্য
দিয়েছে আবার দ্বিগুণ ক'রে ।

উত্তরকান্তনী

শাপ ও আশিস্, সুখা আর বিষ
একত্রে বিধি বিত্তরে মোরে ॥

যদিও আজিকে সম্পদহীন
পথে পথে ঘুরি মৌন হুখে,
তবু অরূপের অক্ষয় স্মৃতি
সঞ্চিত আছে আমারই বুকে ।
আমি জানি কোথা কোন্ পঞ্চলে
সোনার সবিতা তিলে তিলে গলে,
বকুলবনের কোন্ কোণে শশী
দেখে মুখছবি মুকুরে ঝুঁকে ।
তারার মালায় যে গণে গ্রহর,
অতদ্রিত সে আমারই হুখে ॥

যদিও আজিকে বীতনিঃশ্বাস,
দীর্ঘ আমার মোহন বেণু,
তবু হয়েছিলো সে-স্বরে সিক্তি,
যা শুনে ভ্রষ্ট কল্পধেনু
ফিরে আসে গোষ্ঠে গোধূলিবেলায়,

প্রতিদান

চপলতা জাগে রাধিকার পায়,
মধুমালতীর বক্ষ্য শাখায়
উড়ে এসে লাগে স্রজনবধু ।
দেবতার রাতে দীপ্ত নয়নে
শুনে গেছে মোর দিক্য বেণু ॥

যেই বিভীষিকা ছায়ার সমান
ফেরে অহরহ রূপের পাছে,
বহু বার তার আকার, প্রকার
ব্যক্ত হয়েছে আমার কাছে ।
আমার মনের আদ্রিম আধারে
বাস করে প্রেত কাতারে কাতারে ।
প্রাক্‌পুরাণিক বিকট পশুর
দায়ভাগ মোর শোণিতে নাচে ।
সমুখে মরুর মরীচিকা ডাকে,
প্রলয়পয়োধি গরজে পাছে ॥

খিন্ন হলেও আমার নয়ন
দিব্যদৃষ্টি তাতেই রাজে ।

উত্তরফাল্গুনী

আমি জানি কেন নিগূঢ় বেদনা
নবপ্রণয়ীর মরমে বাজে ।
নির্ম্মিত আমি পরশপাথরে ;
মৃন্ময়ী হয় সোনা মোর করে ।
জানি উর্কশী চিরযৌবনা
কারে পরখিতে জরতী সাজে ।
বুঝি আমি কোন্ নিগম অর্থ
ইতরের অপভাষায় রাজে ॥

তোমার প্রাণের পরতে পরতে
যে-অনাম তুষা গুমরি কাঁদে,
অনুকম্পায়ী জীববীণা মোর
ঝঙ্কত আজ সে-অনুনাতে ।
অর্চিন পথের দূতরূপে তাই
প্রতি দিন এসে ছুয়ারে দাঁড়াই ;
অভাবনীর আশ্রয় নিয়ে
অবাক্ নয়ন তোমারে সাধে ।
নিত্য জ্বালার কলুষকালিমা
জানি ; তাই হিয়া দরদে কাঁদে ॥

প্রতিদান

নিয়ে যাবো আমি তোমারে যে-পথে,
সে-পথে একাকী যায় না যাওয়া ;
পদে পদে তার কাঁটার আঘাত,
পাকে পাকে হাঁকে পাগল হাওয়া ;
হিতবুদ্ধির তড়িৎ ভ্রুকুটি
দূর দিগন্তে উঠে ফুটি ফুটি ;
ভ্রমে আশে-পাশে হিংসানু শিবি ;
পশ্চাতে আর যায় না চাওয়া ।
সৰ্কসারার হুর্গম পথে
নিয়ামক বিনা যায় না যাওয়া ॥

তবু পরিহরি বিত্তের মোহ
রিক্ত অয়নে দাঁড়াও নেমে ।
তোমার ত্যাগের দাম ধ'রে দেবো
অনির্কচন অমর প্রেমে ;
নিয়ে যাবো যেথা নেই দেশ-কাল,
নেই ব্যাধি-জ্বর, ক্ষয়-জঞ্জাল,
সত্য যেখানে স্বপ্নস্বপ্নমা,
ভেদ নেই যেথা সীসায় হেমে ।

উত্তরকান্তনী

স্বার্থপরের অর্থের লোভ
ত্যাগ ক'রে এসো নিভুতে নেমে ॥

মোদের সমুখে নন্দনবন
আগলমুক্ত আবার হবে ;
রবে পদতলে অলকানন্দা,
ইন্দ্রধনুর তোরণ নভে ।
রচি ফুলশেজ চ্যুত পারিজাতে
পীযুষপেয়ালা তুলে দেবো হাতে ।
উধাও মলয় ছ্যালোকে-ভুলোকে
মোদের প্রেমের কাহিনী কবে ।
মোর অসাধ্যসাধনে, মানবী,
নিশ্চয় তুমি সিদ্ধ হবে ॥

মৌনব্রত

আজি ধূলা ঝেড়ে ঝেড়ে, পুরাতন পুঁথি খুঁজে দেখি
রচিলাম যত গান, সে-সকলই মিছে আর মেকী,
নিরুদ্দিষ্ট অতিকথা, নিরর্থক বাক্যের জঞ্জাল ।
বিলুপ্তিত শবাধারে অসংহত, অনাম কঙ্কাল
পরিহরি অবজ্জায়, মহাকাল করেছে যে চুরি
প্রতীকের পরমার্থ, অবিকল পদের মাধুরী,
উপমার অন্তর্দীপ্তি, উৎপ্রেক্ষার নিগূঢ় আকৃতি ।
কেমনে এখন ভাবি কোনো চিরসুন্দরের দূতী
পেয়েছিলো এক দিন অসম্বন্ধ এই ধ্বংসস্তুপে
অমর আত্মার সাড়া ; উচ্চকিত প্রতি রোমকূপে
অকস্মাৎ জেগেছিলো প্রাণদ, প্রণব প্রতিধ্বনি
এ-বিলগ্ন শব্দচয়ে ; অন্ধ অবচেতনার খনি
বৈদ্যাতিক ব্যাঞ্জনায হয়েছিলো ক্ষণেক ভাস্বর ?

নৈরাশ্যের নিরুদ্দেশে হারায় কি তাই কণ্ঠস্বর
যখনই বলিতে চাই আত্মকথা তোমারে, সুন্দরী ?
তোমার অগাধ দৃষ্টি থামে যেই মোর মুখোপরি
সনির্বন্ধ জিজ্ঞাসায়, তৎক্ষণাৎ বুঝি মনে মনে
এ-বারেও যা গাহিবো, যাযাবর কালের লুপ্তনে

উত্তরফাঙ্কনী

অনর্থক প্রলাপে তা অচিরাৎ হবে পরিণত ।
জানি, জানি স্থনিশ্চয় এ-বারেও পূৰ্ব্বেকার মতো
আত্মপ্রকাশের চেষ্টা সৰ্ব্বংসহা ধরিজীর ভার
অন্থর অবস্থারে পরিপুষ্ট করিবে আবার ।
ব্যয় হবে বৃথা বাক্য, লজ্জাকর আত্মনিবেদনে
কাটিবে না ব্যাসকূট । তার চেয়ে তোমার আননে
এমনই অবাক চোখে চেয়ে থাকা শত বার শ্রেয় ।—
সংক্ষিপ্ত ভাষার শক্তি, নীরবতা অক্ষয়, অমেয় ॥

নিরুক্তি

আমারে তুমি ভালোবাসো না ব'লে,
দুঃখ আমি অবশ্যই পাই ,
কিন্তু তাতে বিষাদই শুধু আছে,
তাছাড়া কোনো যাতনা, জ্বালা নাই ॥

জনমাবধি প্রণয়বিনিময়ে
অনেক বেলা হয়েছে অবসান ;
বেজেছে ফলে কেবলই বৃথা ব্যথা,
পারি নি কভু করিতে বরদান ॥

এ-ভুজমাঝে হাজার রূপবতী
আচম্বিতে প্রসাদ হারিয়েছে ;
অমরা হতে দেবীরা স্খা এনে,
গরল নিয়ে নরকে চ'লে গেছে ॥

অযুত নারী, তাদের প্রতিশোধে,
জাগায় লোভ হেনেছে অবহেলা ;
সাহারা, গোবি ছেয়েছে ভাঙা পণে,
মরমহিমা হয়েছে ছেলেখেলা ॥

উত্তরকান্তনী

অসুখ্য বৃকে করেছে মাতামাতি
ঝড়ের রাতে বিজুলিঝালাসম ;
চিনেছি তাতে আপন নীচতারে,
টুটেছে মান, উঠেছে বেড়ে তম ॥

মিলনে ক্ষুধা মিটে নি কোনো কালে ;
কামনা শেষে মিশেছে এসে কামে ।
অন্ধ আশা রুদ্ধ বিরহেরে
ভাববিলাসী করেছে পরিণামে ॥

হয়তো তাই তোমার অনাদরে
আজিকে আমি হই না বিচলিত ;
শিখেছি ঠেকে ব্যর্থ ভালোবাসা,
কালের কাছে অতনু পরাজিত ॥

হৃদয় তবু বিষাদে ভ'রে ওঠে
নিরুদ্দেশ শূন্যে যবে চাই ;
পাই না ভেবে শাস্তিতে কী হবে,
সাধনাতে যে সিদ্ধি হেথা নাই ॥

নিরাসক্তি

নন্দনের বন্ধ দ্বার, জানি,
যাবে না খুলে তোমার করাঘাতে ;
অমৃত যোগে প্রেতের কানাকানি ;
ঘুচাবে ভেদ তৃপ্তি-শোচনাতে ॥

তথাপি মিছে আত্মসমাহিতি ;
নিরাসক্তি আসক্তিরই ভেক ;
নাস্তি যার পৃষ্ঠে, পুরোভাগে,
সমান তার বিবেক, অবিবেক ॥

আত্মা সদা স্বগত, একা বটে,
তাই কি হেয় দেহের পরিচিতি ?
থাক না তাতে তৃষিত অচিরতা,
বাকী যা কিছু, সবই যে অনুমিতি

অহৈতুকী

কিছুই হয় নি আজ । সে কেবল ছিলো নিরুদ্বেগ
মোর ক্ষিপ্ত পরশের চমৎকৃত নম্র নিবেদনে ;
অন্তর্গূঢ় আহ্বানের বৈদ্যুতিক রহস্যলিখনে
উঠে নি উদ্ভাসি তার নয়নের নির্বচন মেঘ ;
আসন থাকিতে পাশে সে-দিকে সে তাকায় দেখে নি ;
গাঢ় সদালাপে তার অবকাশ আসে নি বারেক ;
সংবৃত বক্ষের তলে নিঃশ্বাসের রুদ্ধ অতিরেক
পদকে পড়ে নি ধরা, তার কাছে দুঃসহ ঠেকে নি ॥

কিছুই হয় নি আজ । তবু জাগে কী শোক মরমে :
অনাথ সাক্ষীর মতো ধরা যেন ধায় অধঃপাতে ;
নিহত সুন্দর শিব অলুচর পিশাচের হাতে ;
অরাজক চরাচরে উচ্ছৃঙ্খল বিভীষিকা ভ্রমে ॥

মনে হয় একা আমি ।—পরিত্যক্ত ভিটার জঞ্জালে
পুরস্ক্রীর প্রসাধনী ফেলে গেছে কারা যাত্রাকালে ॥

মরণতরণী

মরণ, তোমার উদ্দাম তরী
লেগেছে কি ফের ঘাটে ?
শুনি কি তোমারই বিদেশী বাঁশরী
তেপান্তরের মাঠে ?
আজ যদি তুমি এসে থাকো ঠিক,
তুলে দেবো সবই তোমারে, বণিক
প্রাণের পসরা ফেরি ক'রে আর
ফিরিবো না ভাঙা হাটে ।
মরণ, সোনার তরণী তোমার
ঠেকেছে কি মোর ঘাটে ?

এসেছিলে তুমি প্রথমে যে-বার,
ভারী ছিলো মোর বোঝা ;
বুঝি নি তখনো জীবনের সার
কেবল তোমারে খোঁজা ;
লোভী পরমাযু নরনারায়ণে
বেচে নি তখনো মুখচুষনে ;
জানি নি তখনো কত নিষ্ফল
ছায়ার সঙ্গে যোঝা ;

উত্তরফাস্তনী

জীবযাত্রার সধুম অনল
জ্বালে নি মানের বোঝা ॥

ছিলো যে তখনো আশা কতিপয়,
মিটে নি কৰ্মতুষ্ণা ;
শিথি নি অস্ত্রে পরিণত হয়
পরাজয়ে বিজিগীষা ।
দেখি নি অপার দ্বৈপসাগরে
মর্ত্যমানুষ একা বাস করে ;
বৃথা প্রাণপণে খেয়াঘাট বাঁধা,
আধারে মিলে না দিশা ;
বুঝি নি সমান হাসা আর কঁাদা
স্বপ্ন অমৃততুষ্ণা ॥

আমার প্রেমের অর্ঘ্যপ্রদানে
অপারগ সেও, জানি ;
আমিও বুঝি না সে-মুক নয়ানে
লিখিত কী গুঢ় বাণী ।
বাহিরে তাকায়ে সে যে দেখে শুধু

মরণতরঙ্গী

চারি পাশে মোর মরু করে ধু ধু ;
আমি অবলোকি তার করপুটে
দলহীন মালাখানি ।
বকুলফোটানো সে-চরণে লুটে
ধুলাই মাখিবো, জানি ॥

পথে পথে ঘুরে ছেঁড়া থলি পূরে
যা কিছু করেছি জমা,
তুমিই, উদার, দাম দিবে তার,
করিবে দীনতা ক্ষমা ।
তাই আজি তব শুভ সমাগমে
পলাতক গান ফিরে আসে সমে ;
তাই মনে হয় মঙ্গলময়
নিরুদ্দেশের অমা ॥
চরণে শরণ মাগি, হে মরণ ;
নাও যা করেছি জমা ॥

বন্ধু, এ-বার বোলো না, বোলো না,
'ঠাই নেই ভরা নায়ে' ।

উত্তরফাল্গুনী

দোলাও ঢেউয়ের দোহুল দোলনা
আমার অচল পায়ে ।
নির্ঝাত পালে ঝড় ভ'রে দাও ।
মাথার উপরে বজ্রে জাগাও ।
মুঘলধারার কুশল ঝাপটে
ধূলা ধুয়ে দাও গায়ে ।
পরিবৃত করি মহাসঙ্কটে
তুলে নাও, সখা, নায়ে ॥

অননুতপ্ত

জাগরুক বীর্যের বিষয়ে
ভুবনবিবাগী রথে শৃঙ্গদিগ্বিজয়ে
যবে যাত্রা শুরু হলো যুগান্তের অলৌকিক প্রাতে,
সে-দিন আমার হাতে
মন্ত্রপুত অসি তুমি করো নি অর্পণ ।
আমার জীবন
তাই কি নিষ্ফল হলো তীব্র পরাজয়ে,
উসর, ধূসর অপচয়ে ?

সে-সুদিনে জানিতাম যদি
জ্বালায়ে মঙ্গলদীপ তুমি নিরবধি
সম্ভার তোরণতলে ব'সে রবে মোর প্রত্যাশায়
তাহলে কি উদ্ধত অগ্নায়
লুটাতো আমার পায়ে বেণুমুগ্ধ কালীয়ের মতো ?
কালের তস্করসেনা, পিশাচ, প্রথম,
আমার অলক্ষ্যভেদে করিতো কি সভয়ে বর্জন
স্বল্পপ্রাণ সুন্দরের সরণী নির্জন,
তরুণের তীর্থযাত্রা নিরাপদ হতোই কি তাতে ?

উত্তরকান্তনী

তোমার সতর্ক রাখী যদি মোরে সে-দিন পরাতে,
হয়তো তাহলে
মোর দিব্য ঐরাবত সংগ্রথিত তুণের শৃঙ্খলে
করিতো না আজি কালপাত ;
মোর বজ্রাঘাত
আঁধির চক্রান্তে প'ড়ে তবে বারম্বার
হারাতো না লক্ষ্য আপনার ।
অমৃতের ত্যাজ্যপুত্র পরবশ উত্তরাধিকার
আবার কি ফিরে পেতো আপনার গুণে,
আমাদের দেখা হতো যদি কোনো আদিম ফাস্তনে ?

কী জানি, হয়তো হতো তাই ।
অস্ত্রত অমন স্বপ্নে মাঝে মাঝে নিজেরে লুকাই
বিরাট ব্যর্থতা যবে নৈশ ভুকম্পনে
অসংহত দিক্কারবর্ষণে
উলঙ্গ আত্মারে মোর চায় নিষ্পেষিতে ।
স্বয়ম্বরসভামাঝে তুমি যদি মোরে মালা দিতে,
তবে—তবে—। কিন্তু থাক সে-নিরর্থ কথা ;
কল্পনার কোষাগারে আজিকে যে এসেছে শূণ্যতা

অনমৃতপু

শতমুখ দুর্দিনের উৎকোচ জোগাতে ।

আর মিথ্যা অনুশোচনাতে

অন্তম অস্থৈর্য্য মোর চাহিবো না করিতে গোপন ॥

যদি সেই অনবগুণন

তোমার অসহ লাগে, করিবো না তবু অস্বীকার

যে-পথে চলেছি আমি, সেই ছিলো অভীষ্ট আমার,

কহিবো না যত ভুল, সে সবই দৈবাৎ ।

আমার অনাদি অমা হয় যদি আবার প্রভাত,

আপনার ভাগ্যানির্বাচনে

যদি শুধু মোর ইচ্ছা মাত্র হয় নবীন জীবনে,

তবে আর বার

বরণ করিবো, জানি, এ-দৈন্ত দুর্বার,

এ-উন্মার্গ নিঃসঙ্গতা, উন্মুখর এই বিসংবাদ,

বিধ্বস্ত রূপের সেবা, অপক প্রমাদ ॥

আজ আমি জানি—

বৃদ্ধির বকুর পথে অগ্রগামী হানি, অঙ্ক হানি ;

তার সীমামেঘে এসে শান্তি পায় যারা

উত্তরফাল্গুনী

নিরিক্ত তাদের ঝুলি, পাংশু-ধূলি-ধূসরিত তারা,
পিপাসায় কণ্ঠহারা আমাব সমান ।

ভগবান

তাদের ক'রেছে ক্ষমা কিনা,

আমি তা জানি না ।

কিন্তু তারা নিজেদের করেছে মার্জনা ;

যত আবর্জনা

পদে পদে দিয়েছিলেন বাধা,

ভুলেছে সে-সব তারা ; অভিযোগ হয়েছে সমাধা ।

তাদের অন্তরে

বহিরাশ্রয়িতা নাই ; তাই তাবা অষ্টম গ্রহের

চায়, পায় সুষুপ্তি যে-বনে,

সে নহে যোগ্যতা যার দুশ্ছেদ্য শৃঙ্খলে

মানবতা মরে অপঘাতে ॥

যতপি তোমার সাথে

দেখা হতো সময় থাকিতে,

উন্মুক্ত উষার লগ্নে যদি তুমি আদরে রাখিতে

তোমার বিশ্বস্ত হাত মোর করপুটে,

অমৃতপ্ত

সিদ্ধির অঙ্কুটে

সোনার স্বর্গের দ্বার খুলিতো না তবু,

মোর দুস্থ ভবিতব্য রূপান্তর ধরিতো না কভু ;

তাহলেও আজ

ধূমকেতুসম আমি করিতাম নাস্তিতে বিরাজ,

স্বরচিত অঙ্ককার চিরে,

অসার্থক অপব্যয়ে আপনারে ধিরে ॥

ভবিষ্য রহসে ঢাকা ; তুমি আমি জানি না কেহই
কী ঘটবে কাল প্রাতে । কিন্তু আমি অমৃতপ্ত নই
আর অতীতের লাগি, আবশ্যিক উদ্ভ্রান্তির তরে ।

উচ্চাবচ বক্র পথে সারা বিশ্ব পরিক্রমা ক'রে

যে-জীবন তব পদে পেয়েছে বিরতি,

তার অসঙ্গতি

নিশ্চয়ই নিতান্ত বাহ্য, তার ধর্ম অশ্রুপাত নয় ।

তাই পুন প্রাক্তন বিশ্বয়

জেগেছে আমার মনে,

লেগেছে নয়নে

মায়ামুগ্ধ প্রসাদের স্তম্ভিত কজ্জল,

উত্তরকান্তনী

দেব-দ্বিধা-বন্দহীন, অপ্রত্যাশী মোর অন্তস্তল
জগতেরে ক্ষমা ক'রে লভিয়াছে জগতের ক্ষমা,
আবার পেয়েছে খুঁজে নবজাত সৃষ্টির সুখমা ॥

প্রশ্ন

সত্য কি বাসো ভালো ?
নয়নে তোমার দেখি যে-রুচির আলো,
জ্বালাবে কি তাতে আরতির দীপ আমার তরে
মৌন, বিজন, মৌল নিশার নিলাজ দ্বিপ্রহরে ?

অতীত দিগ্বিজয়
আজি কি সহসা পরাভব মনে হয় ?
মাঝে মাঝে সাঁঝে হৃত বিভূতির অশেষণে
শূন্তে কি ধায় উদাস হৃদয় চক্ষুর বাতায়নে ?

আমি এলে খোলা দ্বারে,
ভাবো কি বিগুণ স্ননিপুণ সজ্জারে ?
একা ঘরে বসে কথার সহিত গাঁথো যে-কথা,
দেখা হলে সে কি অক্ষম লাগে, সার্থক নীরবতা ?

দাঁড়ায়ে আমার পাশে
তাকাও যখন তারাত্বচা মহাকাশে,
হয় না কি মনে বিধির আদিম চিত্রলেখা
বাখানে সহসা চিররহস্ত, সনাতন দেয় দেখা ?

উত্তরফাল্গুনী

মোর প্রেমনিবেদনে

দক্ষ ট্রয়ের কাহিনী পড়ে কি মনে ?

অদর্শনের নরকযাতনা জানাই যবে,

বেয়াত্রিচে-সনে একাসনে তুমি বসো কি সগৌরবে ?

আমি-চ'লে গেলে দূরে,

রম্য ব'লে কি চেনো তুমি মৃত্যুরে ?

প্রলয়শেষের সংবাদহীন বিকর্ষণে

ছোটো কি তোমার বিশ্বজগৎ নিভৃত নির্বাপণে ?

সত্য কি বাসো ভালো ?

এলাও, এলাও তবে ও-কবরী কালো ।

অনাদি অমায় হোক ত্রিভুবন নিমেষে হারা ;

শুধু জেগে থাক নিবিড় নীরবে চারটি নয়নতারা ॥

দুঃসময়

মোদের সাক্ষাৎ হলো অশ্লেষার রাক্ষসী বেলায়,
সমুত্তত দৈবদুর্বিপাকে ।—

আধো-জাগা অগ্নিগিরি আমাদের উদ্ধত হেলায়
সাল্ল স্বরে কী অনিষ্ট হাঁকে ;
বিচ্ছেদের খর খড়্গ কোথা যেন শাণায় অস্তুরে,
তারই প্রতিবিম্ব হেরি মুহুমুহু আকাশমুকুরে ;
বজ্রধ্বজ প্রভঞ্জন রথ রাখি অলক্ষ্যে, অদূরে
ফুৎকারিছে দিগ্বিজয়ী শাঁথে ;
আসে নাই সন্ধিলগ্ন, অমা তবু কবরী এলায়
বৈধব্যের অকাল বিপাকে ॥

জানো না কি, নিঃশঙ্কিনী, যদিও বা সত্য হয় আজ
আমাদের অবোধ স্বপন,
যদিও মার্জনা করে ঈর্ষ্যাপর ক্লীবের সমাজ
যুগলের অমর্ত্য মিলন,
তথাপি নিষ্ফল সবই ।—আমাদেরই দুর্শ্বর অতীত
অতর্কিত ভূকম্পনে বিনাশিবে বিশ্বাসের ভিত ;
প্রেতাকুল ব্যবধানে সঞ্জীবনী বাহর নিবীত
ছিন্ন, ভিন্ন হবে অনুক্ষণ ;

উত্তরকান্তনী

অহৈতুক অপব্যয়, অশুচিত অর্চনার লাজ
আশ্ফালিবে স্তব্ধ দুঃস্বপন ॥

তবুও ফেরার পথ বন্ধ হয়ে গেছে একেবারে,
কায়-মনে তোমারেই চাই ।
জানি স্বর্গ মিথ্যা কথা, তথাপি অলীক বিধাতারে
রাত্রি-দিন মিনতি জানাই ।
উন্মথি হৃদয়সিন্ধু স্রজনের প্রথম প্রভাতে
অভূজিত সুধাভাণ্ড অর্পিলাম মোহিনীর হাতে ;
মৃত্যুর মাধুরী কিন্তু বাকী আছে, এসো আজ তাতে
আমাদের অমরা সাজাই ।
অসাধ্যসিদ্ধির যুগ ফিরিবে না, জানি, এ-সংসারে ;
তবু রুদ্ধ ভবিষ্যতে চাই ॥

আঁধার ঘনায় চোখে, তুমি ছাড়া কেউ নেই পাশে,
অস্তরীক্ষে জমে বিভীষিকা ।
লুপ্ত ভবিতব্যতারে রুদ্ধ করো দৃষ্ট পরিহাসে,
হাতে হাত রাখো, সাহসিকা ।
তোমার মার্ত্তে শুনে হয়তো বা লজ্জিত নিয়তি

ফিরাবে, অভ্যাস ভুলে, ঐকান্তিক সময়ের গতি,
মৃত্যুর বিক্ষিপ্ত জাল দিবে বুঝি মোরে অব্যাহতি,
শাপমুক্ত হবে অহমিকা ;
নবজাত ভগবান বিরচিবে কৃতজ্ঞ উল্লাসে
আমাদের নব নীহারিকা ॥

জন্মান্তর

আধখানা চাঁদ রূপার কাঠির পরশে
জাগায়েছে তার মুখে কী মদির কাস্তি ।
নিমেষনিহত স্বচ্ছ চোখের সরসে
দ্রবু তারকা সঙ্কানে সংক্রাস্তি ।
রেশমী কেশের ঘন, কুঞ্চিত লহরে
ভর ক'রে আছে অনাদি অসীম রাত্রি ।
নিরাশনিবিড় আয়ুর অন্ত্য প্রহরে
কেন এলো আজ অনাহূত বরদাত্রী ?

আলাপন তার নিগূঢ় দ্বিধায় ব্যাহত,
তবু কী মমতা লীলায়িত ভুজভঙ্গে ।
আমারই মতো সে বহু বঞ্চনে আহত,
স্বপ্ন মিনতি বিজড়িত তবু অঙ্গে ।
সর্বস্বা সে, হিয়া ভরা পীত স্মরণে,
বহির্কিমুখী, দিবসে উলু'কী অন্ধ,
ডাকে অভিসারে আমারে অমোঘ মরণে,
তবু সে মূর্ত্ত জীবনের নির্বন্ধ ॥

জানি না কী দিবো, কী চাহিবো তার সকাশে ।

বহু বার ঠেকে হয়েছে আজিকে শিক্ষা—
 অযাচিত দান দাতার দন্ত প্রকাশে,
 দীন ভিখারীর হীনতা বাখানে ভিক্ষা ।
 মর্ত্যের স্মৃধা মিটে না মজুরি ব্যতীত,
 স্বর্গের স্মৃধা ইন্দ্রজিতেরই ভোগ্য,
 মোর অসাধ্যসাধনের যুগ অতীত,
 তবে আর কবে হবো ও-প্রেমের যোগ্য ?

নামুক অরতি অতএব মোর শরীরে,
 কামনার বানে বাঁধ বেঁধে দিক ধৈর্য্য,
 আত্মবোধে অস্তুরতম অরিরে
 হানুক মৃত্যু মহানিদ্রার সৈর্য্য ।
 হয়তো তবেই নব জনমের প্রভাতে
 অমিত বীৰ্য্যে বিঁধে অগোচর লক্ষ্য
 জিনে নেবো তারে স্বয়ম্বরের সভাতে,
 সম্ভাবনায় হবো তার সমকক্ষ ॥

সে-দিনে তো আর হবে না অপব্যয়িত
 কিশোর চাঁদের যাদুকর অভিসন্ধি ;

উত্তরকান্তনী

চিরস্তনীর চিরাভিলষিত দয়িত
অনাহত ভুজে করিবে সতীরে বন্দী ;
টুটিবে মেখলা, থ'সে যাবে তার কবরী,
তীত্র পুলকে ঘুচিবে সকল লজ্জা ;
তুঙ্গী গ্রহেরা হবে বাসরের প্রহরী,
চ্যুত তারাদল বিরচিবে ফুলশয্যা ॥

বিলয়

চিকণ চিকুর তব হবে যবে তুষারধবল,
রজনীগন্ধার যষ্টি ওই ঋজু বর দেহখানি
তাকাবে ধূলার পানে, উবে যাবে রতিপরিমল ;
উত্তর হাওয়ার স্পর্শে ত্রস্ত হাতে অর্গল সন্ধানি
যে-দিন শুনিবে তুমি পাতা-ঝরা হিম নিরালোকে
ফেরে মাতামাতি ক'রে আগন্তুক মৃত্যু আর ক্ষয়,
সে-দিনে দু ফোঁটা অশ্রু গালায়ে কি নির্ঝাপিত চোখে
সহসা ফুরাবে তব সন্তাপের অস্তিম সঞ্চয় ?

বুঝিবে কি, হে স্মৃতি, অতন্দ্রিত সে-অমানিশীথে—
যে তোমারে চেয়েছিলো পুণিয়ার প্রগল্ভ উচ্ছ্বাসে,
যদি তারে ক্ষণতরে তবী তলু উপহার দিতে
তিলান্ন প্রভেদ তবু ঘটিতো না শেষ সর্বনাশে ?
বুঝিবে কি সে-হৃদ্দিনে—উদাসীন বিধাতার কাছে
তুল্যমূল্য আমাদের ধৈর্য্য আর আত্মবিস্মরণ,
মৃন্ময় বিশ্বের চূড়ে নটরাজ অহনিশি নাচে,
চিরপ্রতিষ্ঠার শত্রু ভ্রান্তি নয়, অমোঘ মরণ ?

হেমস্তের প্রান্তে এসে বুঝিবে কি—উত্তরফাস্তনী

উত্তরকাল্কনী

উদে নি দিগন্তে তব আকস্মিক নির্ভার প্রমোদে ;
ইচ্ছা ছিলো তার মনে আসন্দের ইন্দ্রজাল বুনি
সুন্দরের পদ্যবনে মত্ত কালহস্তীরে সে রোধে ;
সে জানিতো সময়েরে শুধু গতি পরাজিতে পারে,
তাই তার মুগ্ধ দৃষ্টি হয়েছিলো আবেগে উতল ;
সে জানিতো বৃথা বাক্য, জগতের শূন্য অন্ধকারে
শরীরের রূপরেখা আমাদের অনন্ত সম্বল ?

নিবিদ ভাষায় যবে নিরাকার নাস্তি বাথানিবে
অনঙ্গ আত্মার ঋদ্ধি, বুঝিবে কি সে-দিন প্রথমে—
প্রণয়ের জয়স্তুম্ভ ঠেকে গিয়ে যদিও ত্রিদিবে,
বদ্ধমূল ভিত্তি তার তবু কাম-কারণ-কর্দমে ;
নিরাকৃত মানবাত্মা অঙ্গারিত সৌর তেজসম
নিঃস্বপ্ন নিদ্রায় মগ্ন ইন্দ্রিয়ের প্রাক্তন খনিতে,
উন্মুদ্র প্রবৃত্তিমার্গ পারে শুধু ভেদিতে সে-তম,
পারে শুধু দাহ দেহ দীপ্ত বাণী তারে ফিরে দিতে ?

যবে কায়-মনে চাবে নিরুদ্দেশ বসন্তসখারে,
নিঃশেষিবে ক্ষীণ শ্বাস নাম, শুধু নাম উচ্চারণে ;

বিলয়

যাত্রার উদ্দেশ্যে যবে ভাবিবে, সে খেয়াঘাটপারে
পরাবে মন্দারমালা তব গলে প্রেমাভিভাষণে ;
তখন স্মরণ কোরো সে জানিতো কোনো খেয়া নাই,
ডুবে যায় মৃত্যুতরী জনহীন দ্বীপের সংঘাতে ;
জন্মপরম্পরামাঝে অমৃত সে খুঁজেছিলো তাই,
স্থাপিতে পারে নি আস্থা নিরালস্য, নশ্বর আত্মাতে ॥

মহানিশা

মরণ, তুমি তো আসিবেই এক দিন,

এসো তবে আজ বেগে ।

দশমীর চাঁদ আকাশে তদ্রাহীন

ভর ক'রে আছে বীতবর্ষণ মেঘে ;

সুদূরের হাওয়া কোথা নারিকেলবনে

কার আশ্রয়ান নিবিদ ভাষায় ভণে ;

রজনীগন্ধা রয়েছে কী প্রয়োজনে

প্রচুর পরাগে জেগে ;

শুধেছে বিধাতা চির জীবনের ঋণ ;

এসো, হে মরণ, এসো আজ দ্রুত বেগে ॥

আজি প্রেমসীর স্মৃতিনিবিড় কেশে

দেখেছি তোমার ছায়া ;

চিনেছি যে তার অবাচিত আশ্রয়ে

কত বিমোহন তব বিরতির মায়া ।

এখনো শ্রবণে ধ্বনিতোছে অবিকার

গাঢ় কণ্ঠের নিরুপাধি ঝঙ্কার ;

স্মৃতিদগ্ধিত ঘন চূষনে তার

এখনো শিহরে কায়া ;

মহানিলী

এখনো জগৎ লুটে মোর পাদদেশে ;
ঘনাও, মরণ, এই বেলা তব ছায়া ॥

কী জানি, হয়তো কেবলই স্বপ্ন দেখি,
ফুরাবে সকলই প্রাতে ।

প্রগল্ভ পণ অনাহত রহিবে কি
প্রতিদিবসের প্রচণ্ড সংঘাতে ?
দেবহুহিতার ধূল্যমাখা খেলাঘরে
ভাঙা পুত্ৰনি প'ড়ে রবো অনাদরে,
তবু লোভী কাল দৈব কোপের ডরে
জবে না আমারে হাতে ।

মদির নিশায় ভিক্ষুরে অভিষেকি,
অম্লশোচনায় জলিবে না সে কি প্রাতে ?

ভার চেয়ে ভালো আজি তব রসায়নে
আদি ভূতে ফিরে যাওয়া,
শুক্ল শরীর শাস্ত বিকীরণে
খোলা বাতায়নে স্তম্ভ সে-মুখে চাওয়া,
মৃদুল মলয়ে বর তম্বুখানি ঘিরে

উত্তরকান্তনী

কম্র কামোদে কামনা জানানো ধীরে,
ধূলিরেণু হয়ে ঢেকে সারা পৃথিবীয়ে
তারণ চরণ পাওয়া,
ঈর্ষ্যা জাগায়ে পুরুষবাদের মনে
এ-মহানিশায় সনাতনে মিশে যাওয়া ॥

জাগরণ

মিলননিবিড় রাত্রি পরিকীর্ণ নিখিল ভুবনে ;
বিরাজে প্রশস্ত কক্ষে তারই শাস্তি, তারই নীরবতা ;
চাহি খোলা বাতায়নে, দেখি তারই অনাদি বারতা
মর্ম্মরিছে মুহুম্মুহুত স্বপ্নাবিষ্ট দেওদারবনে ॥

নাই সে-নিভৃত লোকে নগরের উগ্র উত্তরোল,
মর্ম্মভেদী পরচর্চা বিষায় না যমকজীবন ;
অলক্ষ্যে অলস নদী করে শুধু নৈশ সংকীৰ্ত্তন,
কিন্তু সে নিদ্রিত, শুনি দূরাগত কালের কল্লোল ॥

উদার অলকানন্দা হয়ে গেছে মহাকাশ পার
ছড়ায় নক্ষত্র-ফেনা ; বেঁধেছে অসংখ্য জোনাকিরে
রজনীগন্ধার গুল্ম ; সম্মিলিত তাদের মিস্মিরে
মনে হয় অমাবশ্যা সুদক্ষিণ, সজীব, নির্ভার ॥

তোমার চিকণ দেহে বিজড়িত কী দিব্য বৃহৎ ;—
ভাস্বর অলঙ্কার কটি, দৃপ্ত কুচ, নিঃসঙ্কোচ উরু,
অধরে সিঁতাভ হাসি, মুক্ত বেশে উথলে অশ্রু,
সাবলীল আত্মদান স্নিগ্ধ চোখে এনেছে বহুক ॥

উদ্‌যতন

দেখিতে পাই না কিছু । তবু যেন হয় অল্পমান
অরূপ আনন তব চিহ্নাঙ্কিত অপূৰ্ণ প্রসাদে,
প্রতি অঙ্গসন্ধিমায়ো নম্র ছায়া কম্ব নৌড় বাঁধে,
সঙ্কিত গভীরে তব নিঃশ্রেয়স্, নিবৃত্তি, নির্ঝাণ ॥

তন্ময় আশ্রয় চিত্ত, প্রীত বুদ্ধি, তদগত শরীর,
তথাগত অন্তর্ধামী আত্ম-পর সবারে কমেছে,
ব্যক্তিতার অবরোধ মুহূর্ত্তেকে চূর্ণ হয়ে গেছে,
সার্বভৌম যৌবরাজ্যে প্রত্যাগত যথাক্রমে স্থবির ॥

সাদ্ধ কি সহস্র বর্ষ ? গর্জে নিচে প্রজ্বর নরক,
পরশ্রীকাতর ইন্দ্র উর্দ্ধ হতে করে বজ্রাঘাত ;
চমকে নয়ন মেলি, তমিস্রার আবিল প্রপাত
ডুবায় স্বপ্নেয়ে মোর ; শুরু হয় ধৈর্যের পরখ ॥

স্থপ্তিশান্ত গৃহদ্বারে হানা দেয় বিনিদ্র নগর ;
সচকিত নিঃসঙ্গতা বাহুপাশে হরে মোর শ্বাস ;
মন্দের কালের শ্রোতে স্তূপীকৃত হয় সর্বনাশ ;
মোদের বিচ্ছিন্ন করে মৃত্যুপম ব্যবধি দ্বন্দ্ব ॥

মাধবী পূর্ণিমা

দিনের দহনধেবে সাকৌসম সিত সুরা লম্বে
মাধবী পূর্ণিমা যবে দেখা দেয় মোর বাতায়নে,
আত্মধিকারের জালা শত গুণ হয় সে-সময়ে,
অবুঝ অন্তর মোর ব্যর্থতার জপমালা গণে ॥

বন্ধুরা বিশ্বয়ে চাহে, প্রতিবাদ করে সমস্বরে ;
কেহ বা প্রকাশে উদ্ভা ; সকৌতুকে শুধায় কেহ বা-
কবিত্ব আমার ধর্ম, তাই বুঝি কৌমুদীজাগরে
পেচকীয় দুঃখবাদ লাগে মোর এত মনোলোভা ॥

কেমনে তাদের বলি নই আমি অমরাবিলাসী,
মর্ত্যের সূচ্যগ্র কোণ একমাত্র অন্বিষ্ট আমার ;
ব্রহ্মাণ্ডের সৃষ্টি, স্থিতি, সে-সবে এ-হৃদয় উদাসী,
উত্থান, পতন মম ক্ষণিকার নিষ্ঠায় অসার ॥

বিচ্ছেদ-বাদল-রাতে মিলেছিলো যে-শেষ চুসন,
রাকারে বিফল করে আজও তার নখর স্মরণ ॥

ডাক

কোন্ কালে সেই চকিত চোখের দেখা
কী জানি সে এখন কোথায় থাকে ।
নিশীথ রাতে তারার চিত্রলেখা
তবু আমায় তার কাছে আজ ডাকে ।
হয়তো সে-দিন শুধুই দেহের টানে
তাকিয়েছিলো আমার মুখের পানে ,
কাগুন কেবল বাহু বরদানে
কল্পলতার কাস্তি দিলো তাকে ।
আজকে তবু আত্মা আমার একা ;
জানি না আর কোন্‌খানে সে থাকে ॥

বুঝেছিলুম সে-দিনে, আজ আবার
এই কথাটাই নূতন ক'রে বুঝি
ইচ্ছা ছিলো তার কাছে যা পাবার,
সেই অমৃত করে নি সে পুঁজি ।
তার ছিলো যা, সব জীবেরই আছে ;
সেই ঋজুতা যুকালিপ্টাস্‌ পাছে,
তেমনই ক'রেই মত্ত ময়ূর নাচে,
সেই প্রদাহ পশুর চোখেও খুঁজি ।

ভাক

যৌন ষাচ্ নিমেষে হয় কাবার
বুঝেছিলুম সে-দিন, আজও বুঝি ॥

তবু যখন মধুফুলের বনে
জড়িয়ে ভুজে অদৃশ্য তার কায়া
অতল, কানো, ডাগর সে-নয়নে
দেখেছিলুম তারার প্রতিচ্ছায়া,
জেপেছিলো তখন আচম্বিতে
ভূমার আভাস যুগল বিপরীতে,
চিনেছিলুম অবাক সমাধিতে
নহাবিছা যে, সেই মহায়া।
কাক রাখে নি কোথাও ত্রিভুবনে
সাধারণীর সামান্য সে-কায়া ॥

বসন্ত আজ সুদূরপরাহত,
হেমন্ত ওই দোতুল অন্ধকারে ;
চুকিয়ে দিয়ে পাওনা-দেনা যত
জড়িয়ে আছি খেয়াঘাটের পারে ;
চপল ভ্রমর অন্ধ নেশার কোঁকে

উত্তরকান্তনী

আর ফিরে না প্রলাপ ব'কে ব'কে,
মনের চাকের মধুর নিরালোকে
আজ সে ঘুমে অসাড় একেবারে ।
দুঃগ্রহ সব তব্ব ওতপ্রোত
এই নিরাকার, নিখিল অন্ধকারে ॥

তবু আবার তারার প্রদীপ জেলে
আমায় প্রাচীন সঙ্কেতে সে ডাকে ।
এগিয়ে গেলে জ্ঞানের বোঝা ফেলে
তার দেখা কি পাবো পথের বাঁকে ?
আজ বুঝেছি সে-দিন ক্ষণিক ভুলে
উদ্বায়ী দান দিই নি তাকে তুলে,
তীর্থে যেতে রাজীবচরণমূলে
কাটাই নি কাল দৈবদুর্কিপাকে ।
সত্য কেবল দেহের দয়াম্ব মেলে ;
তাই সে আমায় ডাকে, আবার ডাকে ॥

দ্বন্দ্ব

মনেরে বুঝায়ে বলি মৃত্যুমাত্র নিশ্চিত ভুবনে :
গ্রহ, তারা, নীহারিকা ধায় নিত্য বিয়োগের পথে ;
বস্তুর দুর্দান্ত চিতা অনির্কারণ শূন্যের সৈকতে ;
কালের অদৃশ্য গতি ব্যক্ত শুধু বিপ্লববর্ধনে ॥

সালোক্য, সাযুজ্য, সঙ্গ, সে কেবলই সম্ভব স্বপনে ;
বিসংবাদ, বিকর্ষণ আর্ষ্যসত্য জাগ্রত জগতে ;
ছুটি মোরা মর্ত্যচর আত্মঘাতী আবর্তের শ্রোতে,
ফেনিল সম্মোহে মেতে, লুক্কৈন্দ্র নাস্তির শোষণে ॥

হার মানে খিন্ন মন । দেহ কিন্তু অক্ষয় উৎসাহে
পরিব্যাপ্ত ব্যবধানে রচে সদা বাসনার সেতু ;
তন্ময় মুহূর্ত্তমাঝে অনন্তের আবির্ভাব চাহে ;
দেখে জন্ম-মরণেরে কণ্ঠাল্পেষে বাঁধে মীনকেতু ॥

আজিকে দেহের পালা : রিক্ত শেজে শুয়ে তাই ভাবি
হয়তো বা তারই কাছে প'ড়ে আছে অমরার চাবি ॥

প্রতিপদ

সমাপ্ত সংরক্ত রাত্রি ।—শ্রান্ত দোলপূর্ণিমার শশী,
ধৌবনের শিথিলুচ্ছে বিরগ্নিত বৃদ্ধের সমান,
ধূমে অভিভূত হয়ে করে ঘেন হঠাৎ প্রমাণ
আকাক্ষার বাচালতা । জাতিস্বর উদ্বেগের মসি
প্রাগ্‌ম্ভার পাণ্ডু মুখে অনর্থের অপপাঠ লিখে :
ধমকে সে মধ্য পথে, তুলে ধ'রে নিবাত প্রদীপ
তাঁকায় গম্ভব্যপানে ; নীড়ে নামে, দেখে, চতুর্দিকে
বাহুড়-পেঁচার ঝাঁক । অগুপ্তক ত্রিভঙ্গিম নৌপ
দুঃস্বপ্নে প্রলাপ বকে, শব-শিবা-সর্পে পরিবৃত ।
সমাপ্ত সংরক্ত রাত্রি ; চূর্ণমুষ্টি ধূলিধূসরিত ॥

কষিত-কাঞ্চন-কাস্তি, স্তম্ভ্যমা কুমারী, অহনা,
আর ফিরে আসিবে না অনজ্জিত স্বচ্ছ শ্বেতাধরে
দীর্ঘল তনিমা ঘিরে, অরুণিম বরা ভয়ে ভ'রে
নৌলকান্ত স্খাভাগু । বিমর্দিত ফুলের গহনা,
পৰ্য্যুষিত কারণের উগ্র গন্ধ উতল নিঃশ্বাসে,
সর্সান্ধে পাংশুল ক্লেদ, তজ্রাবিষ্ট পৃথুল পৃথিবী
নির্জ্জন নৈমিষাবশো । ইতিমধ্যে সন্নত আকাশে
ক্ষয় আলোকের বীজ, পুরাতন, পীত, পরজীবী,

প্রতিপদ

উপ্ত করে ধ্বংসকীট । আত্মহারা স্বয়ং সবিভা :
পৈতৃক প্রবোধে আজ পরিপ্লুত অজের হুহিতা ॥

স্ববর্তুল পুঙ্করিণী পরিপূর্ণ কানায় কানায়
অচ্ছাদ সবুজ জলে, উচ্চকিত নবত্বর্কাদলে
অবরুদ্ধপরিকর । চিত্রাঙ্গিত মুকুরের তলে
দিগন্তের যুগ্মগিরি শোথসান্ন পীবরতা পায়
সূচ্যগ্র অনিমা টুটে । মায়াময় সে-ছায়ায় কাছে
ভাসে এক মজ্জমান স্নাতকের শৈবালিত দেহ
হরিৎ হেলক্ষে ঢাকা ; নিরন্তর কাকে যেন যাচে
অনিকেত চক্ষুদ্বয় ; সূতা-কান্তা-জননীর স্নেহ
অসপত্ত আচম্বিতে উৎকণ্ঠিত মুমূ্ষায় তার ।—
পুরুজিৎ কুরুক্ষেত্রে উর্ধ্বশীর শেষ অভিসার ॥

শত শ্রেয় মরুভূমি—সম্মার্জিত সন্তপ্ত সিমূমে ;
বক্ষ্যা ফণিমনসায় কণ্টকিত, বিষাক্ত, ধূসর ;
পরিত্যক্ত মীনরাজ্য, নিঃসলিল তরঙ্গে উষর ;
নিরিন্দ্রিয় মহাশূন্য, উদাসীন উদ্যায়ী মন্থমে ।
অতিকায় কুকলাস অস্থিসার রুদ্র পরিপাকে ;

উত্তরকাল্পী

প্রপন্ন অজ্ঞাতবাসে পাশবিক পুরাণপুরুষ ;
শিখরীর মস্তকস্থিতি পঙ্ক করে যুগতৃষিকাকে ;
উন্মুক্ত গগনে জাগে নিরঞ্জন নিত্য, নিরঙ্কুশ ।
নির্বাণ সর্বতোভদ্র : প্রতিবেশী নীহারিকা যত
পলায় সংসর্গ ছেড়ে ।—অকস্মাৎ ত্রিশঙ্কু স্বগত ॥

শুদ্ধিপত্র

পৃষ্ঠা	পংক্তি	অশুদ্ধ	শুদ্ধ
৩০	১১	কাঁদা	কাঁদা,
৩৩	৮	উসর	উষর
৩৩	১৪	প্রথম	প্রমথ
৩৬	১৭	উন্মূক্ত	উন্মুক্ত
৪৪	৭	নিরাশনিবিড়	নিরাশানিবিড়
৫৬	১৭	তেমনই	তেম্‌নি

M. B. B. COLLEGE LIBRARY

AGARTALA.

Call No.....Acc. No.....

Title.....

Author.....

Borrower's Name	Issue Date	Borrower's Name	Issue Date
S. L. Shukla	7.4.12		